



**DECRETO DA ALCALDÍA-PRESIDENCIA SOBRE AS ÁREAS DE GOBERNO (V).-
Ourense, na data de sinatura electrónica.**

O artigo 123.1.c) da Lei 7/1985, de 2 de abril, reguladora das Bases do Réxime Local, dentro do seu Título X introducido polo apartado 4 do artigo primeiro da Lei 57/2003, de 16 de decembro; establece que lle corresponde ao Pleno, entre outras a seguinte atribución: *“A determinación dos niveis esenciais da organización municipal, entendendo por tales as grandes áreas de goberno [...], sen prexuízo das atribucións do Alcalde para determinar o número de cada un de tales órganos e establecer niveis complementarios inferiores.”*

O Regulamento Orgánico de Goberno e Organización do Pleno e a Comisión Especial de Suxestións e Reclamacións do Concello de Ourense, aprobado polo Pleno da Corporación do Concello de Ourense, fiel ao mandato legal recollido no artigo 123, dispón no seu artigo 118.1 que *“Os servizos administrativos do Concello estrutúranse en áreas, que se determinarán tendo en conta os grandes contidos da actividade administrativa municipal de acordo co previsto no artigo 123.1 da Lei 7/1985.”*

O apartado 2 do mencionado artigo 118 atribúelle ao Alcalde o establecemento da organización e estrutura da administración municipal executiva, sen prexuízo das competencias atribuídas ao Pleno en materia de organización municipal. Asemade, correspóndelle precisar o contido competencial de cada unha, así como no seu caso refundir e detallar.

Así pois, as Áreas de Goberno constitúen o primeiro nivel esencial da organización municipal e comprenden, cada unha de elas, un ou varios sectores funcionalmente homoxéneos da actividade administrativa.

Pola súa banda, as Concellerías Delegadas, constituirán o segundo nivel esencial da organización municipal, e comprenden un ou varios ámbitos de competencia municipal funcionalmente homoxéneos e estarán integradas na estrutura organizativa dunha Área de Goberno.

De acordo co exposto, ó abeiro do disposto no artigo 124.4 b) e k) da Lei 7/1985, de 2 de abril, reguladora das Bases do Réxime Local, en relación cos artigos 118 a 121 do Regulamento Orgánico de Goberno e Organización do Pleno e a Comisión Especial de Suxestións e Reclamacións do Concello de Ourense,

RESOLVO

Primeiro.- Estructurar a Administración Municipal nas seguintes Áreas de Goberno:

1.- ALCALDÍA.

Correspóndelle a dirección e coordinación das áreas delegadas do Goberno Municipal, mediante o exercicio das seguintes competencias:

- a) A dirección da política, goberno e administración municipal (artigo 124.4.b) da LBRL).
- b) O establecemento das directrices xerais da acción de goberno, asegurando a súa continuidade (artigo 124.4.c) LBRL)
- c) A superior dirección do persoal ao servizo da administración municipal – artigo 124.4.i) LBRL)
- d) As facultades de control do exercicio das competencias delegadas previstas no artigo 37.1do



Regulamento orgánico.

e) As funcións de representación e dirección política do Concello previstas nos apartados a), d), e), f) e g) do artigo 124.4 LBRL.

2.- INFRAESTRUTURAS, MEDIO AMBIENTE E PERÍMETRO RURAL; URBANISMO, VIVENDA E PATRIMONIO; CULTURA; DEPORTES; PARTICIPACIÓN CIDADÁ, XUVENTUDE, TURISMO E TERMALISMO; SERVIZOS XERAIS, TRANSPARENCIA E SISTEMAS DE INFORMACIÓN

Quedan integradas nesta Área as seguintes Delegacións:

2.1.- Infraestruturas.

- 2.1.1.- Infraestruturas.
- 2.1.2.- Servizo de augas.
- 2.1.3.- Servizo eléctrico.

2.2.- Medio ambiente e perímetro rural.

- 2.2.1.- Medio ambiente e parques e xardíns.
- 2.2.2.- Limpieza viaria.
- 2.3.3.- Perímetro rural.

2.3.- Urbanismo, vivenda e patrimonio.

- 2.3.1.- Urbanismo, licenzas e vivenda.
- 2.3.2.- Xestión urbanística e planeamento.
- 2.3.3.- Patrimonio municipal.

2.4.- Cultura.

2.5.- Deportes.

- 2.5.1.- Deportes.
- 2.5.2.- A Presidencia do Consello Municipal de Deportes.

2.6.- Participación cidadá, xuventude, turismo e termalismo.

- 2.6.1.- Participación cidadá.
- 2.6.2.- Xuventude.
- 2.6.3.- Voluntariado.
- 2.6.4.- Turismo
- 2.6.5.- Termalismo.

2.7.- Servizos xerais, transparencia e sistemas de información.

2.7.1.- Servizos xerais: inclúe as seguintes funcións:

- A xestión dos arquivos e rexistros administrativos (sen prexuízo da súa superior dirección pola Oficialía Maior, conforme ao establecido na Disposición Adicional 8ª, apartado d) da Lei de Bases do Réxime Local, en relación co artigo 3.2.1) do Real Decreto 128/2018, de 16 de marzo, polo que se regula o réxime xurídico dos funcionarios de Administración Local con habilitación de carácter nacional)
- A xestión das contratacións suxeitas á Lei de contratos do sector público, exceptuados os contratos menores, e sen prexuízo do establecemento de instrucións xerais para a coordinación dos procedementos de contratación menor, que corresponderá a esta área.
- A xestión dos servizos comúns ao conxunto da administración municipal non atribuídos de forma específica a outra área.

2.7.2.- Transparencia.

2.7.3.- Sistemas de información.

3.- RECURSOS HUMANOS; FACENDA; COOPERACIÓN INSTITUCIONAL; EDUCACIÓN, PROMOCIÓN ECONÓMICA, RECURSOS EUROPEOS E FORMACIÓN OCUPACIONAL

Queda integrada nesta Área as seguintes Delegacións:





3.1.- Recursos humanos.

3.2.- Facenda

3.3.- Cooperación institucional.

3.4.- Educación, promoción económica, recursos europeos e formación ocupacional.

3.4.1.- Educación.

3.4.2.- Promoción económica, industria, emprego e recursos europeos.

3.4.3.- Formación ocupacional.

4.- POLÍTICA SOCIAL, IGUALDADE E SAÚDE; SEGURIDADE CIDADÁ; COMERCIO; MOBILIDADE E TRANSPORTE

4.1.- Política social, igualdade e saúde.

4.1.1.- Asuntos Sociais.

4.1.2.- Muller e Igualdade.

4.1.3.- Saúde.

4.2.- Seguridade cidadá.

4.3.- Comercio.

4.4.- Mobilidade e transporte.

4.4.1.- Mobilidade.

4.4.2.- Transporte público.

Segundo.- Derrogar o decreto núm. 2020005003 do 29.09.2020 e o apartado 1º do decreto núm. 2021000130 do 12.01.2021.

Terceiro.- A presente resolución producirá efectos dende a mesma data da súa sinatura, sen prexuízo da preceptiva publicación no Boletín Oficial da Provincia, e no taboleiro de anuncios da sede electrónica do Concello de Ourense e da Casa do Concello. Daráselle conta ao Pleno da Corporación e a Xunta de Goberno local na primeira sesión que teña lugar.

O manda e asina o Excmo. Sr. Alcalde-Presidente, do que eu como oficial maior, dou fe.

O alcalde-presidente
Gonzalo Pérez Jácome

O oficial maior
Carlos Javier Fernández Fernández

